

西市人物各有差、六年十月丁亥詔曰、○中朕以水陸之便遷都茲邑言念此民豈無驗然本作驟然一略、其郡司主帳已上賜爵人一級、

〔續日本紀四
中 桓武〕延曆八年八月庚午朔造宮官○官原脫一本補人已下雜工已上隨勞叙位并賜物有差、
〔日本紀略桓武〕延曆十二年三月乙酉新京宮城之內百姓地四十四町給三年價直七月辛丑巡覽
新宮賜造宮使及將領衣、

〔類聚國史七
國造十八〕延曆十三年十月辛酉車駕遷于新京甲子造宮使及山背國奉獻賜五位已上衣被并笠及產業器物、

〔類聚國史十九〕延曆十四年二月甲子出雲國國造外正六位上出雲臣人長特授外從五位下以緣遷都奏神賀事也、

〔續日本紀四
元明〕和銅二年八月辛亥車駕幸平城宮免從駕京畿兵衛戶雜徭十月庚戌詔曰比者遷都易邑搖動百姓雖加鎮撫未能安堵每念於此朕甚愍焉宜當年調租並悉免之、

〔續日本紀十
聖武二十四〕天平十三年九月辛亥免左右京百姓調租四畿內田租緣遷都也乙卯勅○中又大養德伊賀伊勢美濃近江山背等國供奉行宮之郡勿收今年之調、

〔續日本紀二
淳仁十三〕天平寶字五年十月己卯詔曰爲改作平城宮暫移而御近江國保良宮是以○中免當國百姓及左右京大和和泉山背等國今年田租、

〔續日本紀三
稱德十〕神護景雲三年十月甲子詔以由義宮爲西京○中略免當國○中河今年調大縣若江二郡田租安宿志紀二郡田租之半、

〔續日本紀三
十八〕延曆三年十一月戊申天皇移幸長岡宮十二月己巳詔○中略免進役夫國今年田租四年五月癸丑先是皇后宮赤雀見是日詔曰○中略其山背國者皇都初建既爲輦下慶賞所被合殊常倫今年田租特宜令免又長岡村百姓家入大宮處者一同京戶之例、